



UKA2018/22

9/10-2018

Randi Vestergaard Evaldsen

Uunga siunnersuut: Erngup nukingata nukissiornermut atorneqartarnera pillugu

Inatsisartut inatsisaat nr. xx, xx. xxx 2018-imeersoq

(Inuutissarsiornermut Nukissiuuteqarnermullu Naalakkersuisoq)

(Siullermeerneqarnera)

Demokraatiniit illersortuarnikuuarpugut inuiaqatigiinni aningaasarsiornikkut siuariartornissaq. Isumaqarpugut erngup nukinga eqqarsaatigalugu inerisarneqanngitsunik atorneqanngitsunillu sulii periarfissarpassuaqartoq. Isumaqataavugut oqartoqarmat nunatsinni erngup nukinga iluaqutigalugu nukissiorneq annertusartuartaqarippugut.

Nukissiornerup iluani periarfissalerujussuuvugut soorlu erngup nukinga iluaqutigalugu nukissiornikkut. Utoqqarmiut Kangerluarsunnguani Nuummiittumi erngup nukinga atorlugu nukissiorfik ukiunik 25-leeqqammerpoq. Perruualaarutiginnitsoorsinnaanngilarput oqarsinnaagatta Kalaallit Nunaanni nukissiuutitta 73 %-ia mingutsitsinngitsunik erngup nukinganiit aasarlutigu. Utoqqarmiut Kangerluarsunnguani 1993-imi atuutilerneraniit sumiiffinni allani aamma qujanavissumik pilersitsisoqarsimavoq, erngup nukinganik nukissiuuteqarfiit Sisismiuni, Tasiilami, Qaortumi, Narsami aammalu Ilulissani pilersinneqarsimappugut.

Demokraatini isumaqarpugut tamanna tamatta nuannaarutigisariaqarippugut, nunarpassuunngillammi oqarsinnaasut mingutsitsinngitsunik nukissiuuteqarlutik. Taamaattumik qularutigineqassanngilaq erngup nukinga iluaqutigalugu nukissiuuteqalernissaq aalajangerummat pitsaariaqqiffissaqanngitsoq siunissamullu ungasinnerusumut aningaasaliinerusoq. Qunusuilluni aalajangeruvoq minnerunngitsumillu aalajangererusimavoq eqqortoq.

Isumaqarpunga inuiaqatigiittut perruualaarutigisariaqarippugut nuntasinni erngup nukinga iluaqutigalugu nukissiorsinnaanermut periarfissaq qinersimagatsigu. Ataatsimoorpugut nunaniillu allaniit aningaasaliissutissat pisariaqartitagut qujarullugit taamanilu ilungersuaneq ullumikkut taarserneqarsimavoq amerlaqisut iluarisimaarinninnerannik, nukissiorfiup sutigut tamatigut pisuunnguallatsinnikummatigut.

Tusarniaanermut atatillugu akissutit teknikkimut tunngasut arlallit takkunnikuupput Demokraatinilu isumaqarpugut taakku ataatsimiititaliap peqqissaartumik suliareqqissaartariaqarai.

Teknikkimut tunngasumik ataatsimik apeqqutissaqarpugut tassanili apeqqutaanerungunarpoq Naalakkersuisut § 8 imm. 1-mi titarnerup tulliani allassimasut "...imaluunniit namminersorlutik oqartussat pigisaattut" isumaqartinneraat - aamma taamaassava ullut arlaanni Nukissiorfiit A/S-inngortinneqassappata?



Taamatut oqaaseqarluta Demokraatini siunnersuut Ataatsitassanut Inuutissarsiornermullu
Ataatsimiititaliamut innersuupparput suliarilluagassanngorlugu.